

खबरां जगमोहन शर्मा कोला

- तमिलनाडू ते पच्छिम बंगाल विधानसभा लेई नामांकन भरने दा कम्म अज्जै थमां शुरू होई गेआ ऐ।
- प्रधानमंत्री नरेंद्र मोदी होरें अज्ज असम च पार्टी कार्जकर्ताएं गी संबोधित कीता ते आखेआ जे असम च होए दा कायापलट एनडीए दी डबल इंजन सरकार कारण गे मुमकिन होई सकेया ऐ।
- केंद्री खजाना मंत्री निर्मला सीतारमण होरें आखेआ ऐ कि पूरी दुनिया च बनी दी आर्थिक अनिश्चितता दे बावजूद भारती अर्थ बवस्था मजबूत स्थिति च ऐ।
- लोकसभा नै दिवालिया ते शोधन अछमता संहिता तरमीमी बिल 2025 गी अज्ज मूंह जवानी वोटें कन्नै पास करी दित्ता ऐ।
- बिहार दे मुखमंत्री ते जनता दल युनिइटेड जेडीयू दे अध्यक्ष नितीश कुमार होरें राज्यसभा लेई चुने जाने दे बाद बिहार राज्यसभा थमां इस्तीफा देई दित्ता ऐ।
- श्रीलंका दे राष्ट्रपति अनुरा कुमार दिसानायकें होरें पच्छिम एशिया संकट दे चलदे देसै गी ईंधन भेजने च भारत दे सहयोग लेई आभार प्रगट कीता ऐ।
- भारत दी पैरा तीरंदाज शीतल देवी गी वर्ल्ड आर्चरी नै 2025 बरे दा सर्वश्रेष्ठ पैरा तीरंदाज चुनेआ ऐ।



T.N/ WB Notification

निर्वाचन आयोग आसेआ अज्ज तमिल नाडू विधानसभा चुनांS दे पच्छिम बंगाल विधानसभा चुनांS दे पैहले गेड़ लेई अधिसूचना जारी कीते जाने दे कन्नै गै नामांकन पत्र दाखल करने दी प्रक्रिया शुरू होई गेई ऐ। तमिल नाडू दिएं सबनें 234 विधानसभा सीटें लेई ते पच्छिम बंगाल दिएं 152 सीटें पर 23

तरीक गी वोट पोअए जांगन। इस गेड़ दे चुनांS लेई नामांकन पत्र दाखल करने दी खीरी तरीक 6 अप्रैल रखी गेदी ऐ। नामजदगिएं दी जांच पड़ताल अगले रोज 7 अप्रैल गी होग ते मेदवार जेकर चाहन ते 9 अप्रैल धोड़ी नां वापस बी लेई सकदे ना।

<><><><><><>

PM-Assam

बीजेपी दे सीनियर लीडर ते प्रधानमंत्री नरेंद्र मोदी होरें अज्ज दपैहरी मेरा बूथ सबसे मजबूत संवाद कार्यक्रम दे तैहत असम दे पार्टी कार्जकर्ताएं कन्नै गल्लबात कीती। इस गल्लबात दा मकसद औंदे असम विधानसभा चुनाएं कोला पैहले जमीनी सतह पर कार्जकर्ताएं च जोश भरना ते राज्य दे विकास गी उजागर करना हा। पार्टी कार्जकर्ताएं गी संबोधित करदे होई मोदी होरें पिछले इक दाहके च असम च होई दी तरक्की ते कायापलट दा जिक्र करदे होई आखेआ कि सबनें खेत्तरें च होई दी तरक्की एनडीए सरकार दे डबल इंजन माडल दी कामयाबी गी दर्शादी ऐ। उनें भरोसा जताया कि राज्य दी जनता अगले 5एं बरें तगर गठबंधन दा समर्थन करियै इस विकास जात्तरा गी जारी रखने लेई तैयार ऐ।

<><><><><><>

PM-Gujrat

प्रधानमंत्री नरेंद्र मोदी कल इक दिन दे गुजरात दौरे पर रौहडन। इस दौरान श्री मोदी महावीर जयंती दे मौके पर गांधीनगर च सम्राट संप्रति संग्रहालय दा उद्घाटन करडन। प्रधानमंत्री अहमदाबाद दे साणंद स्थित केयन्स सेमीकंडक्टर संयंत्र दा बी उद्घाटन कररडन ते इस मौके पर जनसभा गी सम्बोधित बी करडन।

<><><><><><>

PM-Tribute

प्रधानमंत्री नरेंद्र मोदी होरें अज्ज सुतंत्रता सेनानी श्यामजी कृष्णा वर्मा होरें गी उंदी बरसी दे मौके पर चेता करदे होई उनेंगी श्रद्धांजलि भेंट कीती। इक सोशल मीडिया पोस्ट च मोदी होरें आखेआ जे

आजादी दे आंदोलन च श्यामीकृष्णन वर्मा होरें लोकें अंदर देसै दी आजादी गी लेइयै नमीं चेतना ते जोश जगाने दा कम्म कीता ते उन्दे क्रांतिकारी विचारें लोकें गी बड़ा मता प्रभावित कीता। प्रधानमंत्री होरें आखेआ कि श्यामजी हुंदा जीवन ते बचार औने आह्लिएं पीढिएं गी राष्ट्र दी सेवा लेई प्रेरित करदे रौहंगन।

<><><><><><>

Nadda Accused Cong.

राज्यसभा च सदन दे नेता ते केंद्री मंत्री जे.पी नड्डा होरें कांग्रेस पार्टी दे आई.एन.डी.आई गठबंधन पर तुष्टिकरण आहली राजनीति खेडने दा आरोप लाया ऐ। उनें आखेआ कि कांग्रेस पार्टी ते आई.एन.डी.आई गठबंधन नै मुसलमानें गी छड़ा इक वोट बैंक दे रूपै च इस्तेमाल कीता ऐ। अज्ज राज्यसीा च बोलदे होई नड्डा होरें आखेआ कि बरोधी धड़े दिएं पार्टिएं गी नां ते सदन च कुसै बी मुद्दे पर जिम्मेदाराना बैहस करने च दिलचस्पी ऐ ते नां गै संविधान या लोकतांत्रिक मुल्लें-कद्रें लेई कोई सम्मान ऐ। अज्ज शून्य काल दरान होई दी घटना दा जिक्र करदे होई नड्डा हेरें आखेआ कि जिसले बीजेपी दे मिम्बर के. लक्ष्मण होर उनेंगी दित्ते गेदे समें दरान बोला'रदे हे तां आई.एन.डी.आई ब्लॉक नै डंड रौली पाई रक्खी। उनें आखेआ कि उंदी इस हरकत सवां पता लगदा ऐ कि ओहू संसद दी लोकतांत्रिक प्रक्रिया गी लेइयै किन्ने संजीदा न ते इंदा किन्ना क सम्मान करदे न।

<><><><><><>

FM.India Economy

केंद्री खजाना मंत्री निर्मला सीतारमण होरें संसद च भारती अर्थ बवस्था दी मजबूती दा जिक्र करदे होई आखेआ ऐ कि रूपे दा मुल्ल बजार सवां प्रेरित ऐ ते कल सांसारिक अनिश्चिता दे बावजूद भारत दे व्यापक बुनियादी तत्व खरे निग्गर बने दे न। अज्ज लोकसभा च प्रश्नकाल दरान इक सोआलै दे परते च उनें आखेआ जे भारती अर्थबवस्था दे बुनियादी संकेतक तगड़े न ते दुनिया भरै दी करंसिएं च अस्थिरता दे बावजूद भारत च एहदा कोई खास असर दिक्खने गी नेई लब्बा।



Loksabha-Bill

लोकसभा नै दिवाला ते शोधन अक्षमता संहिता (संशोधन) विधेयक-2025 ध्व निमत कन्नै पारित करी दिता ऐ। एह विधेयक पैहले संसद दी प्रवर समिति गी भेजेआ गया हा। इसदे मगरा दिवाला ते शोधन अक्षमता संहिता 2016 च अगगे संशोधन आस्तै सदन च पेश कीता जाग। इसदा मकसद प्रक्रियागत विलंब ते व्याख्या सरबंधी मुद्दे दा हल करना ऐ। लोकसभा च दिवाला ते शोधन अक्षमता संहिता (संशोधन) विधेयक-आई.बी.सी 2025 पर चर्चा दा परपता दिन्दे होई वित्त मंत्री निर्मला सीतारामन होरें आक्खेआ जे इस संहिता दा मकसद छडा दोहार दी वसूली दे तंत्र दे तौर पर कम्म करना नेई सगुआं कारोबार गी बचाना, वित्ती य संकट दा हल करना ते उद्यम गी सुरक्षित रखने आस्तै ढांचा तैयार करना बी ऐ।



Nitish Nabin Bihar Resignation

बिहार दे मुखमंत्री ते जनता दल युनाइटेड जेडीयू दे अध्यक्ष नितीश कुमार होरें राज्यसभा लेई हाल च चुने जाने दे बाद संवैधानिक नियमें दी पालमा करदे होई अज्ज राज्य विधानसभा दी मिम्बरी थमां इस्तीफा देई दिता ऐ। जेडीयू विधायक संजय गांधी होरें नितीश कुमार हुंदा इस्तीफा विधान परिषद दे अध्यक्ष अवधेश नारायण होरें गी सौंपेआ। पअना च संवाददाताएं कन्नै गल्लबात दरान बिहार दे सीनियर मंत्री विजय कुमार चौधरी होरें एह जानकारी सांझी कीती। मुखमंत्री हुंदा इस्तीफे दे बारे च तौले गै अधिकारिक घोशणा होने दी मेद ऐ। जेडीयू प्रमुख इस म्हीने दी 16 तरीक गी राज्यसभा लेई चुने गे हे। इससै दरान बीजेपी दे राश्ट्री अध्यक्ष ते नमें चुनोए गेदे राज्यसभा सांसद नितिन नबीन होरें बी अज्ज बिहार विधानसभा दी मिम्बरी थमां इस्तीफा देने दी घोशणा करी दिती। सोशल मीडिया पर इस बारै जानकारी सांझी करदे होई नितिन नबीन होरें बांकीपुर विधानसभा सीट थमां अपने विधानसभा हल्के दे लोकें गी संबोधित बी कीता ते अपने सियासी यात्रा बारै विचार सांझे कीते। नबीन होरें आक्खेआ कि ओहू बिहार दे दे विकास लेई अपने अनथक जतन अगगे बी जारी रक्खंगन।

बीजेपी अध्यक्ष होरें अपना इस्तीफा पार्टी दे प्रदेश अध्यक्ष संजय सराओगी होरें गी सौंपेआ जिनें मगरा इसी विधानसभा अध्यक्ष प्रेम कुमार होरें गी भेजी दिता।

<><><><><><>

BJP-Delegation EC

केंद्री मंत्री पीयूष गोयल, किरेंन जिजिजू ते डॉ. सुकांता मजूमदार हुंदी अगुवाई च बीजेपी दे सीनियर लीडरें दा इक शिष्टमंडल अज्ज भारती चुनांऽ आयोग गी जाइयै मिलेआ। मलाटी दे बाद मीडिया गी संबोधित करदे होई किरेंन रिजिजू होरें आखेआ जे पच्छिम बंगाल चुनां पूरी चाल्ली सुतंत्र, साफ-सुथरे, बवस्थित ते पारदर्शी ढंगै नै करोआए जाने लोड़चदे। उनें दोष लाया जे मुख्मंत्रि ममता बनर्जी ते उंदी पार्टी तृणमूल कांग्रेस नै राज्य च चुनां प्रक्रिया गी पूरी चाल्ली हाईजैक करी लैते दा ऐ। उनें आयोग अगगे अपील कीती जे ओहू इस शकैत पर प्रतिक्रिया दिंदे होई चुनां पूरी चाल्ली सा-सुथरे ते पारदर्शी ढंनै नै करोआने लेई लोड़चदे बंदोबस्त करै।

<><><><><><>

Srilanka-President Fuel

श्रीलंका दे राष्ट्रपति अनुरा कुमारा दिसानायके होरें पश्चिम एशिया संकट बश्कार देशै गी ईंधन भेजने च भारत दे सहयोग आस्तै आभार जाहिर कीता ऐ। कोलंबो च पेट्रोलियम दी इक बड्डी खेप पुज्जनें मगरा दिसानायके होरें सोशल मीडिया पोस्ट च आक्खेआ जे उने हाल च गै प्रधानमंत्री नरेंद्र मोदी हुन्दे थवां श्रीलंका च ईंधन दी कमी दे बारे च गल्ल कीती ही। शनिवार गी कोलंबो च 20 हजार मीट्रिक टन डीजल ते 18 हजार मीट्रिक टन पेट्रोल दी खेप पुज्जनें दे मगरा उने भारत दे फौरी सहयोग आस्तै धन्नवाद कीता।

<><><><><><>

S.L Prez. Fuel

श्रीलंका दे राष्ट्रपति अनुरा कुमारा दिसानायकें होरें पच्छम एशिया संकट दे चलदे देसै गी ईंधन भेजने च भारत दे सहयोग पर आभार प्रगट कीता ऐ। कोलंबो च पेट्रोलियम दी इक बड्डी खेप पुज्जने दे बाद दिसानायकें होरें इक सोशल मीडिया पोस्ट पर लिखेआ कि उनें हाल च गै भारत दे प्रधानमंत्री नरेंद्र मोदी हुंदे नै मुल्ले च पेट्रोल दी कमी दी गल्ल कीती ही। शनिवारें कोलंबो च 20 ज्हार मीट्रिक टन पेट्रोल दे खेप पुज्जने पर ओहू भारत दा दिलै दी गहराइयें कन्नै धन्नवाद करदे न। उनें इस कठन घड़ी च तुरत श्रीलंका गी सहयोग लेई धन्नवाद कीता। पच्छम एशिया ते सिंगापुर थमां ठेके राएं सप्लाई होने दे बाद लंका आई.ओ.सी आसेआ इस खेप दी बवस्था कीती गई ही।

<><><><><><>

LG-Vande Matram

उपराज्यपाल मनोज सिन्हा होरें वंदे मातरम दे विशेष गेड़ दे समापन समारोह च हिस्सा लैता। एहदा आयोजन 23 मार्च थमां अज्जै तगर कीता गेदा हा। इस मौके पर बोलदे होई उपराज्यपाल मनोज सिन्हा होरें आखेआ जे समाज दे हर वर्ग गी इक सुखना सांझे तौरा पर दिक्खना लोड़चदा ते ओहू ऐ भारत गी दुनिया दा बेहतरीन मुख बनाना। उनें केंद्र शासित प्रदेश दे हर नागरिक गी आखेआ जे ओहू अपने आपा गी राष्ट्र निर्माण लेई समर्पित करी देऐ तां जे इस अगगे बददे मुख गी कोई रोक़ी नेई सकै। उपराज्यपाल होरें आखेआ जे प्रधानमंत्री नरेंद्र मोदी हुंदी अगुवाई च जम्मू-कश्मीर बी राष्ट्री प्रगति च पूरी चाल्ली शामिल ऐ।

<><><><><><>

Archery-Sheetal Devi

भारत दी शीतल देवी गी विश्व तीरंदाजी नै बरे 2025 दा सर्वश्रेष्ठ पैरा तीरंदाज चुनेआ ऐ। जम्मू-कश्मीर दी 19 बरे दी शीतल देवी पिछले बरे दक्खन कोरिया दे ग्वांगझू च आयोजित विश्व पैरा तीरंदाजी चैंपियनशिप च महिला कंपाउंड व्यक्तिगत स्पर्धा च स्वर्ण पदक जित्तने आहली पैहली ते इकमात्र बगैर बांह आहली तीरंदाज बनियां। उनें विश्व चैंपियनशिप च महिला टीम दा रजत ते

मिक्सड टीम दा कांस्य पदक बी जित्ते दा ऐ। शीतल नै पेरिस पैरालंपिक्स च मिक्सड टीम स्पर्धा च कांस्य, एशियाई पैरा गेम्स-2022 ते एशियाई चैंपियनशिप-2023 च रजत पदक अपने नांऽ कीता ऐ। पुरुष वर्ग च 'साल दा सर्वश्रेष्ठ तीरंदाज' तुर्कीए दे एमिरकान हैनी गी चुनेआ गेआ ऐ। बरे दा सर्वश्रेष्ठ युवा तीरंदाज' दा पुरस्कार फ्रांस दे बैपटिस्ट एडिस गी ते बरे दी सर्वश्रेष्ठ टीम' दा पुरस्कार कोरिया दी रिकर्व पुरुष टीम नै जित्तेआ ऐ।

<><><><><><>

IPL

आई.पी.एल क्रिकेट च अज्ज हुनै कोला किश चिर मगरा ठीक साड्डे 7 बजे गुवाहाटी दे बरसापारा क्रिकेट स्टेडियम च राजस्थान रायल्स दा मकाबला चेन्नई सुपर किंग्स कन्नै शुरू होने आहला ऐ। .. दी टीम नै टास जित्तिचै पैहले .. करने दा फैसला लैता ऐ। एह्दे शा पैहले कल रातीं मुम्बई दे वानखेडे स्टेडियम च टूर्नामेंट दे दुए मैच च मुम्बई इंडियन्स नै कोलकाता नाइट राइडर्स गी 6 विकेटें कन्नै हराई दित्ता। पैहले बल्लेबाजी करदे होई कोलकाता दी टीम नै 20एं ओवरें च 220 रन्ज दा तगडा स्कोर खडा करी लैता जेदे च कप्तान अजिंक्या रहाणे नै 67 ते अंगकृष रघुवंशी नै 51 रन दी पारी खेड्डी। परते च मुम्बई इंडियन्स दी टीम नै रोहित शर्मा दे 78 ते रयान रिक्लेटन दे 81 रन दी बदौलत 20में ओवर च 4 विकेटें दे नुकसान पर जित्त दा लक्ष्य हासल करी लैता।

<><><><><><>

Boxing

मंगोलिया दे उलानबातर च आयोजित मुक्केबाजी दी एशियन चैंपियनशिप च भारी मुक्केबाज अज्ज अपने अभियान दी शुरूआत करंगन। स्हाडियां महिला मुक्केबाज निखत जरीन, लवनिया बोरगोहैन, जैसमीन लंबोरिया, अकुंशिता चौधरी ते अल्फिया पताहन अज्ज रिंग च उतरंगन। भारती मुक्केबाजी

फेडरेशन दा आखना ऐ कि भारती मुक्केबाज बडे बुलंद हौसले ते आत्मविश्वास कन्नै इस चैंपियनशिप च खेडने जा'रदे न।

<><><><><><>

Dy CM Transit Accomodation

जम्मू-कश्मीर दे उपमुख्यमंत्री सुरिंद्र चौधरी होरें आखेआ जे जम्मू च माइग्रेंट कैंपें दी मरम्मत ते नमें सिरेआ निर्माण लेई 8 ज्हार 490 लक्ख 15 ज्हार रपें दी तफसीली परियोजना रिपोर्ट तैयार करी लैती गई ऐ ते कम्में गी अंजाम देने लेई वित्त मैहकमे कन्नै गल्लबात कीती गई ऐ। डिप्टी सी.एम होरें एहू गल्ल विधायक देवयानी राणा हुंदे आसेआ विधानसभा च पुट्टे गेदे सोआलै दा परता दिंदे होई आकखी। उनें आखेआ जे प्रधानमंत्री पैकेज तैहत नियुक्त कीते गेदे प्रवासी मुलाजमें गी फौरी तौरा पर ते सुरक्षित रिहायश उपलब्ध करोआने लेई कुलगाम दे वेसू, पुलवामा दे हावल, कुपवाड़ा दे नटनुसा ते बारामुला दे वीरवान च बुनियादी सहूलतें कन्नै लैस आरजी रिहायश कायम कीते गेदे न। उनें आखेआ जे समर्थ बधाने गितै चरणबद्ध तरीके कन्नै तकरीबन 6 ज्हार बादू ट्रांजिट रिहायश दा निर्माण कीता जा'रदा ऐ।

<><><><><><>

Terrorists Arrest

दिल्ली पुलिस दी विशेष सीगे नै राजधानी दे गाजीपुर इलाके थमां इक्क वांछित आतंकवादी गी गिरफ्तार कीता ऐ। मीडिया कन्नै गल्लबात करदे होई दिल्ली पुलिस दे विशेष सीगे दे अतिरिक्त आयुक्त प्रमोद सिंह कुशवाहा होरें दस्सेआ जे एहू आरोपी हाल च गै फगड़े गेदे इक्क आतंकी माँड्यूल दा संचालक हा। उनें दस्सेआ जे आरोपी थमां बांग्लादेश, नेपाल ते पाकिस्तान दी विदेशी मुद्रा बरामद कीती गई ऐ। पुलिस नै ओहदे थमां इक्क नेपाली सिम कार्ड बी बरामद कीता ऐ।

<><><><><><>

